

Bisa den programa "Los Peñonazos de Peña"

CORANT ITALIANO TA VINCULA IRENE SAEZ CU MAFIA DI "CUNTRERAS"

ORANJESTAD (AAN) -- Hopi hende na Aruba ta sigui cu atencion e desaroyonan

**ARUBIANONAN PROMOVİ
DEN POSICIONNAN CLAVE
NA WYNDHAM HOTEL**

ORANJESTAD(AAN) - Recientemente a wordo promovi como Controller na Wyndham Aruba, Sr. Rolando Schwengle. Cu esaki Wyndham ta demostra un biaha mas su dedicacion pa cu e desaroyo di Arubianonan y asina promove nan pa posicionnan clave den su organisacion. Sr. Schwengle ta e di cuater Arubiano cu ta wordo promovi pa un posicion ejecutivo. Anteriormente a wordo

Beverage. E compania Wyndham ta operando na Aruba desde September 1995. E tempo ey e comision ejecutivo di e hotel tabata consisti solamente di empleadonan Americano di e compania. Sr. Anselmo Pontilius, Secretario di Organizacion di FTA, ta felicita Wyndham pa su esfuerzo den desaroya y promove Arubiano den top posicionnan ejecutivo. Sr. Jeff Lesker, Gerente

General a bisa: "E division internacional di Wyndham tin pa hopi tempo e dedicacion y un total respet pa e islanan y paisnan caminda nan ta opera hotel fuera di Merca. E promocion di localnan den top posicionnan ejecutivo ta simplemente un refleccion di nos dedicacion y ademas e ta algo hopi logico ya cu den hopi ocasion ta e hendenan local ta consiente di e custumbenan local y leynan laboral, cualnan ta di hopi valor pan os compania".

Hopi cambianan a tuma



lugar desde cu Wyndham ta operana Aruba. Mester a restructura y reorganiza hopi aspectonan di e operacion di e hotel. Hopi importante den e reorganizacion tabata e analisis di e capital humano y e desaroyo di candidatonan den posicionnan mas halto. Un cantidad di promocionnan a tuma lugar desde cu Wyndham ta opera na Aruba.

Recientemente e siguiente empleadonan a wordo reconoci pa nan dedicacion na "The Right Way. The Wyndham Way", y nan a wordo promovi. Ta trata di: Robert Zara- Director of Restaurants, Lilian Britten - Outlet Manager, Rachel Noordermeer - Outlet Manager y Vincent van Haasteren - Meeting Services Manager.

politico di Venezuela a traves di television.

Diahuebs anochi, a traves di e programa "Los Peñonazos de Peña", transmiti pa Venevision, den entrevista cu Carlos Tablanté, Ministro di Estado y Coordinador di e Comision di Lucha contra Narcotrafico, un noticia sumamente serio a wordo duna.

E periodista di fam Peña a conduci su entrevista rond di e asina yama "Operacion Casablanca" y den e contexto aki el a cuestiona e miyones di dollar cu ta circula na Venezuela pa financia e campaña politico.

Peña a bisa cu hasta e partidonan mas chiquito tin bastante placa pa nan campaña y el a muestra su dudanan serio tocante e procedencia di e placa aki, mirando cu Venezuela simplemente e situacion financiero ta hopi critico.

Den e mesun rosea Peña a muestra un articulo publica den un corant na Italia (cual e periodista ta califica como e periodico di mas serio prestigioso y confiable di dicho pais) unda e candidato pa e Partido Copei ta worde vincula cu e mafia Italiano, especificamente cu e Cuntreran.

Segun e articulo e mafia di e Cuntreran (cual number tur hende por corda con a worde hopi menciona na Aruba no poco tempo pasa) ta financia e ex-miss Universe y awendia candidato presidencial di Venezuela, su campaña politico.

Dicho articulo a worde traduci na Spaño y publica den corantnan Venezolano tambe, loke a ser muestra riba e pantaya chiquito tambe. Peña a hinca Tablante "den un skina", y na dado momento e no tabata tin un contesta convincente ora e periodista a puntre si e recursonan cu e partidonan politico ta haci uso di nan pa campaña, di berdad ta worde investiga.

E mandatario a bisa cu e publicacion entornu Saez, cual a tume pa sorpresa, por bien ta debi na intriganan politico sali for di Venezuela mes.

Pero el a señala si, cu apesar cu tin control riba e manera con e campaña ta worde financia, e necesidad di haci un investigacion mas profundo riba e procedencia di e fondonan pa tur e partidonan politico cu lo bay eleccion, grandi y chiquito sin excepcion, ta obvio.



promovi pa posicionan ejecutivo, Sra. Jennifer Jacobs, Director of Human Resources, Sr. Clement Celaire, Director of Engineering y Sr. Ramiro Rafael, Director di Food &


**LADRON A BAY CU TAS
FOR DI RIBA BEACH**

ORANJESTAD (AAN): Turista a presenta na despacho di Strand Politie pa denuncia ladronia di su tas color preto. Segun e señora di

turista inicial S.D. procedente di Argentina cu tin 73 aña, hunto cu su casa e tabata riba beach.

Na dado momento e pareha a dicidi di dreña nos laman blou lagando su tas riba e beach. E pareha no a keda ni 5 minuut den laman, y ora cu nan a sali su tas a desaparece. Den e tas segun e turista, e tabata tin tres renchi di 18 kt, dos bril, 300 Dollar y un holoshi.

E caso aki tin atencion di Polis. Mester remarca cu e ultimo tempo tin varios caso di robo ta tumando lugar sea riba beach of hasta den hotelnan. E momento a presenta pa tanto Polis, guardianan lanza un contra atake pa frena e problematico aki. Pa cuminsa cu riba beach lo mester bin lockers pa proteccion di esnan cu ta haci uso di beach. Doño di locker ta cobra algun Dollar pa asina cubri e gastonan envolvi.

**BOOGAARD ASSURANTIËN N.V.***Adviseurs voor pensioenen, verzekeringen & hypotheeken***Paardenbaaistraat 8****Tel: 822464**

Entrante 8 di juni 1998 no nr. Ta 822464
6 linja pa mas facilidad y mihor servicio
Nr. Di fax ta 825297

Nos ta na bo ordo pa tur clase di seguro y informacion